

AUGLÝSING

67

2. maí

um breyting á samþykkt um lokunartíma sölubúða og takmörkun á vinnutíma sendisveina í Hafnarfirði, nr. 97 19. júní 1944.

1. gr.

Í 1. mgr. 2. gr. samþykktarinnar skulu falla niður orðin „nema föstudaga, þá skal lokað eigi síðar en kl. 7 síðdegis“.

2. gr.

Breyting þessi öðlast þegar gildi.

Samþykkt þessi, sem gerð er af bæjarstjórn Hafnarfjarðarkaupstaðar samkv. lögum nr. 17 1. febr. 1936, staðfestist hér með og birtist til eftirbreytni öllum þeim, sem hlut eiga að máli.

Félagsmálaráðuneytið, 2. maí 1946.

F. h. r.

Vigfús Einarsson.

Páll Pálmason.

Staðfesting forsetans á skipulagsskrá fyrir „Minningarsjóð Guðrúnar Bergsveinsdóttur“, útgefin á venjulegan hátt að mandatum af dómsmálaráðherra 7. maí 1946.

Skipulagsskráin er þannig:

SKIPULAGSSKRÁ

fyrir Minningarsjóð Guðrúnar Bergsveinsdóttur.

1. gr.

Sjóðurinn heitir Minningarsjóður Guðrúnar Bergsveinsdóttur.

2. gr.

Sjóður þessi, að upphæð kr. 18000.00, er gefinn Kvenskátafélagi Reykjavíkur við fráfall Guðrúnar að tilhlutun eiginmanns og foreldra hennar.

3. gr.

Tilgangurinn með sjóðstofnuninni er að gefa innbú í stofu fyrir kvenskáta í væntanlegri skátahöll.

4. gr.

Stofan beri nafn Guðrúnar. Skal hún búin góðum, islenskum húsmunum ásamt hljóðfæri o. fl., sem til gagns má verða fyrir skátastúlkur. Húsmunir séu teiknaðir og smíðaðir af vandvirkum iðnaðarmönnum.

68

7. maí

Stofan verði notuð til fundarhalda fyrir kvenskáta, svo og fyrir vinnustofu, og er það von gefenda, að hún geti í framtíðinni orðið þeirra annað heimili.

5. gr.

6. gr.

Ekki má greiða fé úr minningarsjóðnum, fyrr en hann er kr. 50000.00, og ekki hærri upphæð en svo, að inneign sé aldrei minni en kr. 10000.00.

7. gr.

Eftir því sem fé er fyrir hendi í sjóðnum, skal því varið til fræðslu fyrir skátastúlkur, aðallega með fyrirlestrum hæfra manna í uppeldisfræði og öðru, er verða má til menntunar eldri sem yngri skátastúlkna.

8. gr.

Afla skal fjár í sjóðinn með minningagjöfum, og hafa minningaspjöld verið gefin út í því skyni. Einnig skal leita leyfis um einn fjáröflunardag á ári.

9. gr.

Fé sjóðsins ávaxtast í Landsbanka Íslands.

10. gr.

Stjórn sjóðsins sé skipuð: þrem (3) skátaforingjum úr Kvenskátafélagi Reykjavíkur og einum (1) kosnum af gefendum sjóðsins, fimmtu konuna kjósa þær sam-
eiginlega.

11. gr.

Leita skal staðfestingar forseta Íslands á skipulagsskrá þessari og hún birt í B-deild Stjórnartíðindanna.

69

13. apríl

GJALDSKRÁ

um greiðslur fyrir röntgenskoðun og röntgenmyndir, sbr. 5. tölulið 33. gr.
laga nr. 104 30. des. 1943.

Höfuðkúpa	kr. 45.00—65.00
Beinhol andlits og annarra höfuðbeina ..	— 45.00
Klettbein	— 40.00—65.00
Nef	— 10.00—20.00
Tönn	— 10.00
Tennur allar	— 25.00—45.00
Öxl	— 30.00—40.00
Ólnbogi	— 25.00—30.00
Úlnliður	— 20.00—30.00
Hönd	— 25.00—30.00
Fingur	— 15.00—20.00
Rif	— 40.00—55.00
Viðbein	— 25.00—35.00
Hryggur allur	— 55.00—85.00
Brjóstliðir	— 45.00
Lendaliðir	— 45.00
Lendar og spjaldhryggur	— 55.00